

苗疆屯防實錄

第九冊

中國通商口岸

一、上海

苗疆屯防寔錄卷十九

會剿石峴寨苗匪

黔楚兩省會剿石峴寨苗匪並善後事宜

湖南提督王 奏為黔苗滋事奴才親赴邊界密為防  
範並現在三廳地方極為安謐恐厘


聖懷奏請

霄鑿事本年三月十五日接據鳳凰永綏廳營稟報貴州  
松桃廳平頭司匪苗糾眾焚搶民村各等情 查鳳永  
廳營苗界深處與黔寨處處相通難免勾結從前擬定  
時原將楚省苗寨舊時營汛撤出設立土塘責成苗弁  
策束散苗因黔苗稍順借黔寨以禦楚苗今黔苗蠢動

誠恐楚苗附和同行 隨派左營遊擊張越前赴黔界  
確探情形一面沿移鎮道並嚴飭各廳營慎密邊防督  
飭苗弁管束散苗務使黔苗不能勾結楚苗不敢出境  
茲與鎮道廳營商定鳳凰廳自黔楚接壤之龍潭河起  
至永綏文界之泛石岩止計長一百餘里添設三十六  
卡永綏自茶洞汛起自仁廣寨止共一十六處各派添兵  
勇苗兵酌加蓋糧密羅分布凡有黔苗潛行計約或逃  
竄前來以及楚苗出界附和俱令擒獻領賞並酌派練  
勇一千名苗兵五百兵令知府御同知傅鼎都司唐光  
威於接壤連界最要之處往來屯劄飭令各寨同心堵  
禦復稽巡閱之便親赴沿邊一帶鎮靜彈壓總期斷絕

絕楚苗附和黔兵不防楚苗專力逼剿迅速藏事仰慰  
聖衷現在楚省三廳民苗各安耕鑿極其寧謐所有籌備  
邊防親身巡閱並地方安靜緣由理合恭摺馳奏伏乞  
皇上睿鑒謹 奏

嘉慶六年四月初四日奉



湖南巡撫馬 奏為據報黔苗滋事楚省現在約束防堵情形恭摺奏

聞事竊

臣

於三月十七日以復准據提鎮長沅道及鳳凰

永綏二廳先後咨稟准貴州松桃廳協知會所屬平頭

司地方於三月初四日夜被苗匪焚掠業經通稟會同

查捕恐苗匪竊窺蔓延移會一體防堵等因該文武於

未准移會之先已據兵弁等探報當經分別酌派兵勇

前赴接壤要隘處所相機防範等項臣查楚省苗疆鳳

凰永綏兩廳均與黔省毗連沿邊三百餘里苗界縱橫

犬牙交錯今黔匪蠢動苗人氣類相通不無勾結附和

情事而黔省既經籌補尤恐被剿情急闖入楚境必須

於各廳沿邊扼要地方分設卡座嚴密巡防並駕馭苗  
兵約束散苗俾各安分守法不敢暗給助勢方為妥善  
隨即分別移行一體會商妥辦去後茲復准據各處咨  
稟鳳凰同知傅鼎先經稟商鎮道會同營員傳集三營  
各寨弁司開誠曉諭即於土塘苗兵內挑選一千名酌  
量增給鹽糧自楚黔之界之龍潭河起由銅岩秀等處  
至永綏之迤石岩止計長一百餘里共設三十卡令其  
晝夜堵守道路傳驛布置後調集隊勇一千名於二十  
三日帶領前赴貴州正大營會合堵禦並挑選附近苗  
兵五百名交都司唐光盛等帶領預備接應巡查苗卡  
並據稱經過民苗村寨苗兵均知感威沿邊一帶屯耕



無警永綏同知王廷英護付將於天祿亦經稟商鎮道  
於黔楚接壤之恭洞汎等十六處共添撥兵四百九十  
名苗兵一千五百四十名酌給鹽糧按卡分布王廷英  
親身查勘并開導苗弁約束管下苗人毋得容留黔匪  
中暗附和該弁等俱各凜遵出結鎮單鎮臣富挑備  
四營精銳官兵五百名俟貴州撫臣到銅會商再進綏  
靖鎮臣魁亦馳赴永綏酌籌督辦提臣王先經差委  
遊擊張越前往永綏會同該處文武查辦仍酌量何處  
緊要即親帶官兵馳往永綏接應各等情前來查此次  
黔苗滋擾焚掠松桃平頭司地方探係上潮石峴等寨  
匪苗為首糾約續據偵報蔓延至鎮遠府屬之四十八

溪現聞貴州撫臣伊桑阿派撥兵勇分路搜捕防堵更  
關緊要楚省苗疆提鎮道員及各該廳協均熟悉苗情  
兼之文武同心協籌布置腹心頗為妥協臣復又諄切  
移行務須督率各卡員弁兵勇實力防守凡有黔苗入  
境即擒獻領賞並嚴飭苗弁認真約束散苗杜黔匪竄  
越之路絕楚苗附和之端俾黔苗勢孤黨解黔省不虞  
楚苗之牽制得以專力進攻仍俟黔兵剿進楚界即相  
機會合兩面夾擊以期迅速藏事仰副我


皇上綏輯邊圉之至意除咨會貴州撫臣查照外所有黔  
苗滋事楚省現在約束防堵情形謹恭摺由駙奏

聞伏乞

皇上睿鑒謹 奏

嘉慶六年四月初八日奏 四月十七日奉

硃批另有旨欽此



湖南巡撫馬 嘉慶六年四月十七日奉

上諭馬 奏廣東撥赴湖北補額兵丁業經書麟行文停止但現在頭二起兵已過長沙清仍飭令攢赴軍營其未入楚境之兵即令就近截回仍辦甚是至另摺所奏黔首滋事楚省現在約束防堵情形楚省苗疆均於黔省毘連雞保無勾結情事馬 務當督率文武員弁於黔楚接壤要隘處所分布營卡嚴密提防倘有黔首潛窺入境立即隨時擒獲其安分楚首惟當妥為綏輯毋以鎮靜勿令驚疑此為最要再另片所奏苗疆留防兵勇未便即行裁撤一節裁撤兵勇原當隨時酌量辦理朕曾經批示總以苗情安靜為度節省幾月錢銀殊不

足計今黔苗仍有焚掠之事楚省苗疆只資防範所有  
留防兵勇着俟黔省勦捕事竣楚省苗情時馬再行  
酌量情形奏明以次裁撤將此由四百里諭令知之欽  
此

湖南巡撫馬 奏為遵

旨據稟覆奏事本年四月二十五日承准軍機大臣字寄  
四月十八日奉

上諭現在黔苗滋事節據馬 王 奏報祇稱楚省苗疆

與黔省毗連恐有勾結情事派兵在沿邊防堵並未提  
及黔苗滋事有楚苗在事本日據琅玕奏稱係楚苗潛  
注勾結與馬 所奏不符若本係楚苗勾結黔苗起事

經楚省官兵轟出逐緝楚苗現安靜此則不可楚苗既  
能赴黔煽誘安保其不又潛回本境勾引伊等親友幫  
助為匪馬 務當飭令傳鼎等留心防範嚴密查緝但  
須持以鎮靜不可稍涉張皇並將楚苗如何潛注勾結

及因何啟鑿迅速據寔具奏毋得迴護等因欽此遵  
旨寄信到臣伏查此次黔苗滋事先准據提鎮道廳咨稟  
據貴州松桃廳協知會所屬平頭司地方被苗匪焚掠  
業經查捕恐苗匪竊窺蔓延移會防堵等因並未及有  
楚苗在內匪黔楚苗寨毗連恐有勾結情事行據各該  
文武設卡防禦當經奏蒙

聖鑒嗣准貴州撫

臣伊

抄摺移咨內稱查係銅仁府所

屬石硯上潮等十四寨窮苗與楚苗互相勾結焚搶滋  
擾等語則是又有楚苗在內復經飭查去後茲據鳳凰  
同知傅鼎稟稱現在深聞黔省官兵攻克石硯匪寨首  
夥全獲業以辦理完竣並准貴州松桃胡同知先後移



稱許獲楚苗麻添保隴老翠隴老九隴老文訊據供認  
被上朝隴通明隴通杖及石峴由老寅爭糾約搶掠等  
語且查石峴匪巢深處黔疆距楚邊苗寨百有餘里中  
屬正大構皮盤石麥地等營汛並未接壤毗連楚苗亦  
不能越百里之外岡佔田地自係黔苗起意勾結楚苗  
前往滋事該廳傳稱現住新寨苗地督飭弁目確查附  
和楚匪嚴密拘拿一俟就獲錄供稟辦等情查楚苗人  
犬羊成性氣類相通非特不保黔苗之不暗中糾約並  
不能保楚苗之必不起意勾結惟在隨時查察有犯必  
懲俾知懾威斂跡無所容其諉卸此次楚苗麻添保等  
起赴黔省從聽滋事既據松桃同知錄供核會併查石

峴匪寨距楚邊苗寨百有餘里楚苗自不能百里之外  
起意圖佔民田足見該犯等先經聽糾越擾黔民迨楚  
省嚴密防堵象苗均各感畏懾服未經擾及楚地邊境  
枚寧保屬寔在情形今黔省已將首夥各犯全行拿獲  
其因何起衅如何勾結未准錄供咨會現復嚴飭傅鼎  
等確查附和餘匪務期按名獲完訊確情即行據寔奏  
聞斷不敢稍存迴覆仍分別移行各該文武一體遵照加  
意巡防鎮靜查辦毋得少有疎縱亦不得過涉張皇以


冀仰副

聖主鎮輯邊疆之至意謹恭摺據寔覆 奏伏乞  
皇上睿鑒再以欽奉

諭旨吳省爾請將辰永沅靖道四屬報捐監生之人即以  
穀石按數完納固為碾辦兵未着交馬 體察情形妥  
為安設具奏等因欽此 臣現與藩司通思通盤酌核妥  
為籌議另容奏請

訓示施行合併陳明謹 奏

嘉慶六年五月初一日奏



湖南提督王 奏為剿擒附和黔寨滋事匪首奴才於

巡閱途次馳回鎮筵察辦緣由恭摺具 奏仰祈

聖鑒事奴才前因黔首滋擾察備防範並 親赴沿邊巡

閱彈壓各情由曾經 奏明在案奴才查得鎮筵邊界

卡防嚴密首情寧貼同知傅鼎都司唐光斌等復率領

兵勇在於接壤緊要處所往來屯劄奴才切諭該員等

凡有黔首竄入務即隨時拿獲如有聽從勾結之楚首

亦即擒捕懲辦總須持以鎮靜勿致首人驚疑別起事

端該同知久諳首情尤為各寨所畏服定屬可靠奴才

復諄囑鎮道嚴密督飭查永綏沿邊與黔省接壤之處

亦屬緊要奴才於商屬周備後即自鎮筵前往查得永

綏花園一帶邊防謹密首情亦即安靜本月十一日回  
查至保靖途次接據同知傅鼎稟稱卡隘兵勇截獲黔  
省石硯窰匪白三回白銀保白明保三名上潮田老四  
一名長坪壠老滿一名訖稱鳳凰廳屬之雞籠蘇麻風  
麻桶玉寨苗人聽從焚搶者共有三百餘名該員即同  
都司唐光威署守備等千總楊昌禮等帶領兵勇於雞  
籠蘇麻風桶玉寨適中險要山梁屯劄示以威稜究獲  
石老兩等六十一名各供認聽從搶掠不諱而雞籠一  
寨聚匪尤多恃險藏奸不行剷除難絕後患隨稟商鎮  
道會同都司唐光威署都司藍枝鳳署守備楊昌禮等  
帶領兵勇苗兵於四月二十三日先將雞籠寨攻破改

獲首級四十餘顆耳記五十七對即欲乘勝分路圍收  
蘇麻風桶二寨據隨征苗備隴秀彩與顯科等叩頭稟  
稱該二寨良莠不齊懇求寬恩願即縛獻該員准其具  
限拿送後即赴黔營隨同剿匪續據苗備隴秀彩吳顯  
科等依限縛獻餘匪石九柔等四十三名現經該員陸  
續詳赴鎮單各等情奴才得信時即由保靖途次馳轉  
鎮單會同鎮道審訊確供分別辦理會同撫臣馬恭  
摺具奏所有勦獲匪犯及奴才馳往察辦並各寨苗  
情安謐各緣由先行奏

聞伏乞

皇上睿鑒謹奏

嘉慶六年五月 日奏二十三日奉

硃批抵可如此了結另有旨欽此同日奉

上諭王 奏剿擒附和照察滋事匪苗馳回鎮單密辦一  
摺

覽奏俱悉此係傅鼎未赴黔營以前之事黔苗竄入楚省  
既經擒獲解赴鎮單自應審訊明確會同馬 分別具  
奏該案苗人良莠不齊業已畏罪搏獻祇可如此就案  
了結亦不必過事搜求若獲犯供出尚有一二匪苗在  
他寨潛匿者毋庸輟轉株連致擾將此諭令知之欽此



湖南

提督

王鎮 總兵 富

奏為楚界匪苗聽誘赴黔

燒搶現今拿獲暨首弁縛獻各犯公同審辦奏

聞事竊照本年三月內黔省石峴暨上下潮等寨匪苗滋

事當經臣等督飭文武員弁於楚南沿邊一帶安設卡

座酌撥兵勇嚴密巡防並駕馭首弁稽查約束旋因查

有楚苗被糾越境助勢復又嚴飭鳳凰廳同知博羅等

密切偵拏務期按名弋獲確認辦理臣馬○奏蒙

聖鑒嗣據博羅稟稱先後據兵勇於卡隘截獲黔屬石峴

寨匪首白三回白銀保白明保上潮田老四長坪隴老

滿等五名訊據供稱鳳屬雞籠風桶蘇麻三寨與黔寨

附近該犯等先經潛來勾結楚苗石老兩隴老堪等轉

苗疆也防寇錄

卷十九

會剿石峴寨苗匪

十一

糾散苗兵有三百餘名隨往燒搶伊等因點屬嚴捕賊  
至楚界等情傳彙就近密商臣富及辰沅道鄭人慶  
傳達上中營各寨苗目剴切開導諭以只究匪苗並不  
株連首條龍秀彬吳顯科率同弁目人等情願協力追  
拿經傳彙會同都司唐光威署守條甫千總楊昌禮帶  
領兵勇於雞籠等三寨適中險要山半屯劄示以威稜  
究獲石老兩吳老俱等六十一名訊據供認被石峴等  
寨苗逆向老寅等糾約燒搶不諱而雞籠一寨聚匪尤  
多必須乘此戮除以絕後患傳彙隨同都司唐光威署都司  
藍枝鳳署守條楊昌禮等帶領兵勇于四月二十三日  
相機進捕臣富與道員鄭人慶親往督兵衆應將

雞籠寨密圍攻破砍獲首級四十一顆耳記五十七副  
即欲乘勝圍搜蘇麻風桶二寨據苗酋隴秀彩吳顯科  
等帶同弁目叩求寬恩願極縛獻臣富與道廳面商  
以該二寨良莠不齊既經首酋等懇求應准其限掣  
送旋據苗酋隴彩秀吳顯科等擒獻餘匪石允乘等四十  
三名傅鼎於五月初八日在黔營隨同勦捕事竣旋楚  
帶犯回城臣王於保靖途次接據稟報獲犯  
與奏明馳赴鎮筵察辦與臣富會率道廳及署浦  
市通判姚興潔將先後追獲及苗弁縛獻各犯逐一提  
訊據各犯供認寔因石峴匪苗白老寅白三回併上朔  
之隴通明等先後潛來各本寨勾結並許以搶得財物

分給楚苗田土歸等耕種該犯等因而輾轉聽從隨同  
前往肆行燒劫各等牛隻銀錢衣物花用各供不諱嚴  
加結問據僉稱內往黔槍掠各只有一百餘人及七八  
十人不等共原有三百餘人除在黔地被官兵勦殺餘  
均被擊及被苗兵官縛獻此外俱安耕守法亦無別姦  
匪苗附和潛匿各矢供不移臣等查石老兩吳八月隴  
老填吳奴補石隴奇爭各於本寨倡糾多匪越至黔境  
疊次放火燒村劫掠同惡相濟情罪均無可逭石老兩  
相同勾結之魁龍寨苗無黨叟等共二十九名吳八月  
同勾引之風桶寨苗隴老滿等共十九名隴老填同勾  
引之風桶寨苗隴老滿等共二十九名吳奴補同勾引

之蘇麻寨苗石老文等共十五名均各依苗人聚眾燒  
村劫殺擬斬立決例俱斬立決各該犯均情罪重大未  
便稽誅臣等審核明確即由臣富魯道提犯驗明處  
斬仍將石老兩吳八月龍老吳奴補石龍奇五犯首  
級於犯事各寨懸示以昭懲戒擒獻匪苗之首條苗弁  
及協捕出力各員弁容另查明恭懇  
恩叙所有審辦緣由謹會同湖廣督臣吳恭摺具  
併繕具供單同罪犯名單敬呈

御覽伏祈

皇上睿鑒再前此堵獲黔省竄匪白三回白明保白銀保  
田老四龍老滿等五名業經傳解歸云貴督臣行營

質追餘匪聽歸黔案辦理理合併陳明謹 奏

嘉慶六年五月三十日奉六月十二日奉

硃批另有旨欽此

嘉慶六年六月十二日奉

上諭馬 等奏拏獲赴黔燒槍之匪苗并苗并縛獻各以

審明分別辦理摺覽奏俱悉楚苗石老兩等各於本寨

倡糾多匪越至黔境放火劫掠兇屬罪無可逭馬


等於擒獲縛獻後認明赴黔煽惑緣由即將石老兩等

一百餘名正法示懲其餘苗民既各安耕守法極知畏

懼馬 等自當飭屬明白曉諭妥為安撫斷不可過事

搜求致有驚擾其沿邊苗疆一帶該撫等仍當隨時留

意巡防以期邊界寧謐為要至永綏廳城應不核駐花  
園前已降旨交馬 等查明具奏該撫等務當察看該  
處情形會同悉心妥議具奏將此由四百里諭令知之  
欽此





雲貴總督琅玕奏為剿辦苗匪事竣敬將察看石峴等處情形熟籌善後並撤兵安撫緣由詳悉縷陳仰祈

聖鑒事竊奴才於上年奉

命撫黔仰蒙

示諄詳深以為安馭苗民為切務奴才到黔之後即嚴飭

地方文武毋得偏護漢民等稟苗眾出示曉諭苗各

守各業不許互易田產致有盤剝並令該管上司隨時

嚴查伊桑阿到任後亦通飭知地方各官各知凜遵

不敢偏仰苛累而百姓等前車為鑒亦不敢傾利盤剝

至一切上糧當差民苗均無二致茲石峴等寨匪苗勾

燒搶之案奴才馳抵銅仁細加察訪知石峴地方小居

險僻苗人獷悍該處田地雖多而額根僅止二石有零  
且並不按年交納地方官不能催追亦從無當夫受催  
凡遇盜竊為匪官役不能入寨查拏山內亦無漢民寨  
落不但地方官無從苛累漢民亦無從盤剝緣由特有  
險山可以藏匿遂至執法橫行女才由銅仁前赴石峴  
軍營一路察看自正大營至八石坡約五十餘里俱傍  
山溝而進雖渡水數次而道路尚平自八石坡山脊一  
線直上餘里越過尖峰又越山隘數重女才抵石峴道路  
之險或上至山頭或下入菁底窄處人不能並肩陡處  
馬不能駐足女才督同官弁前進屢有必須下馬步行  
之處查該處斜長二十餘里周圍七十餘里其中象山

盤錯竟無數十步平原之地如才於剿辦完竣後復由  
軍營親往各逆集基址復如查着雖均屬難行之路有  
可恃之險而石峴為尤甚該處層層陡峯處處深菁山  
凹岔口甚多凡有平坦隙地俱係水田而道路均係斜  
坡竟有双足不能立之處俗名呼為首道該匪等窩  
巢或高踞山頭或低藏菁底皆係人跡不易到之區山  
內並無漢民住址是該匪等之倚恃險阻固屬寔情而  
官役不能搜求漢民無從盤剝亦無疑義所以六十年  
滋毒之案大兵未經剿入即住其投誠今該匪等首性  
犬羊復萌故智幸仰仗

皇上德威遠布得將險要逆巢令行剿洗由此首疆共慶

肅清邊隅可期寧謐查上朔下潮礮屯溝黃茅蓬新屯  
等處雖係同時勾結之寨但附近尚有順苗寨落且細  
加訪查此次有招逆苗滋事之先畏懼連累早已搬移  
逃避者而附近良民有於官兵進剿之時幫同出力截  
堵者所有各寨田畝本無石硯之多似應將逃出良苗  
招令復業其餘逆產應俟查明出力苗人分別請

旨賞給耕種以示獎勵而分良莠惟石硯地方並無守法  
良苗而巢穴之險要亦非他處可比今既淨掃頑氛斷  
不可再令苗人盤踞險巢復滋事端所有逆產自應全  
行入官仍需仿照楚省苗疆安汛設卡派撥兵勇以資  
巡防奴才查石硯西距松桃六十里東距正大營七十

里南接平頭司及四十八溪二十餘里寔為黔省苗疆扼要之區馳設立汛卡駐劄官兵屯勇不獨該處匪苗永遠無險可恃而四面苗寨均可以資震懾惟山勢險峭路徑錯雜必須設卡百餘座派兵千餘名方能防範周密黔省兵丁既無可抽之處而又難以額外加增奴才愚昧之見惟有仿照無衛屯田之例招募屯兵令其守卡巡防即將石硯逆產給與耕種以足以敷養贍不致再糜糧餉現飭藩司常明貴東道周緯及銅仁協府等妥議設卡處所及屯兵名數勘明逆產數目奴才復加酌核另行具

奏請

旨至此案滋事頭入除拿獲正法及臨陣擊斃之外尚有未獲白觀元白喬生二名其存亡雖未得知仍應嚴行查拿其餘在逃夥黨亦宜搜捕淨盡以期盡絕根株但查此次滋事首犯徐白老寅龍通明係起意之人已經正法其餘為頭者不過帶同各本寨之人燒搶希圖多得一分財物即可謂之匪較別案逆首眾匪推之為尊者情形迥不相同現在嚴飭各苗寨留心稽察不許容留隱匿據各寨順苗具結呈投倘遇各犯逃竄入寨即行縛送並各處協助苗兵實力查獲現既各卡已有拿獲送營者自不致任其漏網惟是各苗寨聞知奴才督兵進剿俱心疑欲將伊等寨落不分良莠盡數剿除聞有

遠避搬移之人雖經出示曉諭而愚苗無知如才一日  
駐劄在營苗情一日疑俱不安且恐有無藉游民希圖  
生意控詞恐嚇等事是苗人畏懼既深自不敢再行滋  
事而無罪良民致令失家離業亦非仰禮我

皇上安馭苗人綏靖邊圉之意現當栽種之期亟宜息事

寧人俾良苗安心復業如才於拜摺後將隨營弁兵酌

留數百名交與常明周緯雙林等在彼彈壓以便大量

石峴逆苗地畝查勘設卡之處親就詳細繪圖並令苗

弁人等將躲避畏懼之良苗速行招回令其歸業如才

即於次日一路查看民苗情形仍回銅仁駐劄將一切

善後事宜辦有章程再行具奏請

旨所有察看石峴爭處情形籌辦善後及撤兵安撫緣由  
理合先行詳卷

奏明伏乞

皇上睿鑒謹

奏

再奴才於摺覆要犯時逐一審訊僉供此次首匪滋事

寔係黔苗起意燒搶糾約附和之湖南蘇麻風桶鷄籠

爭寨三百餘人前來幫助查該苗匪爭聚眾焚掠往往

黔楚互相糾約原無謀逆情事此番所約人數尚不甚

多經官兵逐細搜勦楚苗賊目麻天保龍老波爭十餘

人高留石硯等處者均經按名擒戮其逃回楚寨各犯




據鳳凰廳同知傅稟稱已經會同員營帶領兵勇將  
賊匪較多之雞籠寨焚剿合計擒戮苗匪及於各寨搜  
獲者共有一百六十餘名續據蘇麻風桶二寨苗倭  
秀彩等縛獻餘匪四十三名除在擒等獲正法外似已  
搜捕殆盡等語該員現在黔營隨同奴才已將岩屯溝  
等寨及上朝下朝勦辦完竣即日回廳審明稟報應聽楚  
省具

奏完結合並附片奏

聞謹

奏



雲貴總督琅玕奏為黔省銅仁松桃苗匪聚眾滋事由  
真馳赴查辦緣由恭摺奏

聞事竊奴才於本年三月十七日接准貴州撫臣伊桑阿

來信內稱據松桃各處文武官稟報三月初四五等日

有石硯上溯等寨苗匪聚眾多人到處焚燒搶劫擾友

鎮遠府屬之四十八溪等情當經飭委布政使常明參

將雙林帶兵先征剿捕隨亦親往銅仁一帶查看情形

再行詳細知會商辦事之大小輕重尚未得悉竊奴才

暫緩來黔以免張皇駭人聽聞等因奴才查苗眾賊性

貪殘每因挾有仇隙即逞兇焚搶事所經有若果係被

此仇殺搶劫既經委令常明雙林先往勦捕伊桑阿隨

即親往查辦不難立時就獲完辦但松桃等處係甫經  
勘定之區各寨苗民胆敢復作不靖災燒搶劫肆行滋  
擾想人數自必不少更難保無勾結情事惟起事根由  
及賊事輕重各處稟報尚未明悉奴才聽聞較遠故未  
敢遽事張皇然亦不可不先為籌備當即飛移伊 確  
查知照並飭常明雙林等將現在作何辦理及賊事有  
無解散各情形詳細稟報並不動聲色於雲南省標內  
批派曾經出師鎗箭有准之兵丁五百名密為預備茲  
于三月二十六日復接伊桑阿由鎮遠發來一信內稱  
此次苗匪滋事接據常明來稟係楚苗越境勾結黔苗  
附和共十四寨為奸約苗匪數千人所有鎮遠府 屬

之四十八溪地方已委令鎮遠府帶同官兵並雇募鄉  
勇設卡防範俱已嚴密其松桃一帶常明稟稱因山路  
峻險難以進攻已經帶同官兵順苗鄉勇等內外設卡  
兜圍現在就近飛調屯土兵勇一俟到齊即可進攻伊  
桑阿率同貴東道周緯將鎮遠四十八溪設卡防堵及  
撫卹難民各事宜等辦完竣即親往銅仁一帶查看督  
辦等語並據常明稟同前由奴才查逆苗十四寨既已  
設卡兜圍自可乘機痛剿並據伊桑阿咨明湖南在於  
接滇處所嚴密堵截自不令其再有蔓延似此烏合之  
衆原不值據勞師旅但該匪等身處黔疆胆敢與楚苗  
勾結擾害良民及至官兵剿捕猶不自行服罪投首仍

復盤踞巢穴思作負隅自固之謀此等狡惡逆首寔為  
王法所難容人心所共怒若不嚴行懲辦恐將來故智復  
萌雖不至釀成大事而無辜民苗不時受其荼毒為害  
不淺必須迅速勦捕恐不至曠日持久別生枝節查本  
省所調官兵屯軍及召募鄉勇為數已是不少似可敷  
用所有原派之滇兵自應停其調往如才仍以查閱營  
務為名即於二十七日由滇起身兼程前進於四月初  
四日抵貴省城復據常明稟報已拏獲為首之逆首白  
老寅並楚苗等四名解送撫臣審辦爭情看來為首者  
既已就獲其餘自不難以勦滅如才拜發摺後即星夜  
馳赴銅仁會同撫臣和衷商酌趕緊辦理務使逆首知

有敬畏錢糧不致虛糜斷不敢張大其事亦不敢顯預  
了結除奴才到銅仁後查明辦理情形另行詳悉奏

聞外所有奴才由滇馳往查辦緣由謹繕摺由郵馳

奏伏乞

皇上睿鑒謹

奏

再提臣珠隆阿現在兼署安義鎮駐劄義查銅仁與  
義二處均係先後勘定之區銅仁逆苗現有滋事之案  
而與義之處尤不可不嚴加防範奴才當即札知珠隆  
阿不必赴銅仁即在該處留心彈壓坐鎮毋稍疎虞理  
合一並附片奏

聞謹

奏

嘉慶六年四月十八日奏

上諭前據伊桑阿奏報貴州銅仁等處苗匪滋事當經降旨令琅玕迅速前往督辦本日琅玕奏接據伊桑阿來信即由滇起身兼程前進已於四月初四日抵貴州省城馳赴銅仁趕辦所奏甚是伊桑阿初次摺內稱已將為首苗犯白老寅等五犯擒獲辦理昨日摺內稱常明劉廷奇等分路進剿又將賊首白士柏及苗目田茂武等十四犯擒獲並將石峴寨要苗寨兜圍看此情形自可迅速竣事琅玕到彼務當督率常明等將上朔等寨



上緊兜圍尅期辦竣不可稍有遲緩致苗匪轉相勾結  
或致蔓延琅玕所云迅速剿捕不至曠日持之久深得領  
要琅玕上年在貴州巡撫任內辦理該處苗匪甚為安  
速是以加恩擢任總督茲復令其赴黔省督辦於該省  
苗情較伊柔阿自為熟悉而常明曾經帶兵勦辦苗寨  
亦係熟手諒可迅速成事現在初彭齡已准來供京職  
滇省需人彈壓伊柔河竟當遵照昨旨即往雲南接印  
任事不必與琅玕一同在黔辦理至摺內稱常明來稟  
係楚苗越境勾結黔苗附和為奸而王炳馬裕慧先後  
奏到祇稱黔苗騷動派兵在沿邊一帶堵禦並未言及  
楚苗在黔勾結並着琅玕查明此次苗匪因何起畔根

由一並據寔覆奏至另片稱洞仁逆苗現有滋事之案  
興義一帶不可不嚴加防範札知珠隆阿不必赴黔即  
在該處彈壓一節與朕前降諭旨相合琅玕惟當遵照  
節次諭旨妥速辦理綏靖苗疆以副委任將此由四百  
里傳諭琅玕並諭伊桑河知之欽此遵

旨寄信前來

貴州巡撫伊桑阿奏為岩屯溝黃茅蓬賊巢及助惡抗  
拒之野竹塘芭蕉灣各逆寨痛加剿洗生擒著名賊目  
縛獲戮斃夥黨多人恭摺馳

奏仰祈

聖鑒事竊

奴才赴抵石峴軍營業將遵

旨查明苗匪滋事並籌勅未盡爭逆寨及差苗弁曉喻順  
苗派員前任探路各緣由謹晰

奏明在案查上朔下朔在石峴之東相隔三十餘里岩屯  
溝黃茅蓬在石峴之西相隔十餘里道路俱係峻險先  
經派委官兵並順苗人等周圍設卡嚴密防堵旋據常  
明周圍差去之苗守備田老官龍若二弁稟稱上朔下

朝之臨近各寨均皆畏法安分並以攻剿逆寨怒有逃  
竄均願協力防堵當即曉諭伊等不得疑懼驚惶苗人  
無不感畏惟岩屯溝黃茅蓬之毗連各寨向俱狼狽為  
奸素為良民百姓所深恨現在石峴等寨逃匪在彼處  
窩藏者甚多且聞有官兵攻剿時即前來幫助之語是  
岩屯溝一路尤為可恨若不速為剿滅恐致日久人多  
又生他慮並據派委探路之督標千標種安朝聘貴陽  
營千總劉子玉帶同熟悉路徑之苗弁分頭躡探據稟  
岩屯溝逆寨本有兩路可通俱經逆苗堆砌亂石晝夜  
堵守甚為嚴密急難得手惟山後另有小路兩條俱係  
險窄山徑馬匹難行現尚無人防守可以由此進攻少

遲即忍又被堵塞等語奴才當即密派藩司常明付

將雙林鳳凰廳傅鼎帶同千把外委等及隨傅

鼎前來之世職鄭國鴻把總吳貴領兵勇一

千二百名令安朝聘前引為一路又派副將

劉廷奇遊擊烏雲殊帶守備陳廷玉千把外

委等領兵一千二百名令千總劉子玉前引為

一路由山後兩路進發約定山頂會齊出齊不意

分攻賊寨又派貴東道周緯署遵義協付將張

明成帶領備弁及兵勇六百名為一路署桐仁

協附將道擊劉煊黎平府知府程卓梁帶領備

弁及兵勇六百名為一路各從小前防堵處攻

打石卡以分賊勢並授以機宜如能將石卡攻  
破即畱兵一半在外防堵一半進剿奴才率領  
隨營辦事之思州府劉雲景東同知惲奕思茅  
同知王述炳筆帖式忠福倫弁弁將官帶領官  
兵四百名苗兵二百名隨後親往督催策  
應五路兵勇於是月二十八日丑刻起身因山  
後小路崎嶇只能容一人一騎所有領兵各  
官員俱下馬督催兵勇魚貫拉拉而上直至  
天明兩路兵勇始過山頂該處雖無牆卡  
但亦有數人在彼放哨瞥見官兵已到即放  
鎗抵拒兵勇亦即向上施放槍箭至稍寬之

處乘空擁上山梁擒獲逆苗一名砍死一名餘苗奔跑  
常明傅鼎双林等驅兵直抵匪寨已先設有木柵逆苗  
抵死守拒兵勇鎗炮齊放焚燒木柵而副將劉廷奇等  
所帶兵勇亦即趕上山梁合兵奮力剿殺山前兩路官  
兵見賊寨火起齊聲吶喊奮力仰攻其時把守山口之  
逆苗知寨內官兵已入驚惶失措無心守禦俱各回寨  
抵敵周緯劉宣等乘勢率領兵勇將兩處堆砌亂石搬  
開各留兵一半防堵其餘一擁而入奴才亦督令後隊官  
弁兵丁鄉勇直入鎗炮齊施打死賊苗無數該苗等見  
官兵聲象越嶺脫逃思欲由山迸出又被鎗炮擊回而  
各山凹岔口先經派有隨營委員營弁同屯勇並順苗

爭防堵難以逃遁該司將爭即將岩屯萬全行洗湯燒  
燬房屋即催兵至黃茅蓬剿洗早有逆苗多人放鎗迎  
敵我兵併力向前突有二賊目執旂招轉隨有兩路賊  
苗從青峰擁而出希圖斷切官兵該司覓將弁等分兵  
抵敵將執旂逆苗二人俱行鎗斃痛加擊殺逆苗概行  
燒燬隨於生擒逆苗內訊出係野竹塘芭蕉灣水竹園  
三寨苗人因聞官兵剿洗前來救應與苗弁等所探情  
節相同該苗弁雖未認隨同燒搶而此時胆敢助惡抗  
拒其為惡黨無疑不可不概予洗除以絕後患當飭該  
司這將弁等分兵將野竹塘芭蕉灣水竹園三寨立行  
圍剿官兵和勇自丑自酉莫不奮勇爭先共剿過逆寨



五處時已將暮即將兵勇撤令回營此次仰仗

聖主鴻祀將士用命並有颶風驅傳彘前來助力該員所  
練兵勇強健敢先無不一以當十而官兵等亦俱各奮勉  
爭先更有難民人等見如才前赴營紛紛投來願同殲  
勢殺賊滅忿一日連克五處逆虜生擒賊目唐子時唐  
老太龍老筆田在明麻老瓦龍金才田再時唐復興龍  
老營等九名夥黨五十一名老幼男婦二十三口割獲  
耳記六百七十六對首級二十一顆鎗斃砲打投河落  
崖燒死者不計其數搶獲鳥鎗九十餘桿苗刀長矛等  
械無算牛馬禾谷甚多查同該五處苗人不過三千之  
數而生擒傷斃不下二千餘名其先經躲避或臨陣免

脫者仍飭搜查不使漏網如才回營後查點弁兵鄉勇  
內千總劉子玉左手得受矛傷外委石進德右膀被刃  
砍傷其餘鄉勇陣亡一名兵丁鄉勇共受傷二十九名  
如才當得陣亡鄉勇及受傷官弁兵勇酌量先行給賞  
擒獲首夥各犯審明正法老幼男婦另行分別辦理槍  
獲米谷牲畜分賞難民並於次日又派將備守帶領兵  
勇進山搜查拿獲深菁山洞內藏匿逃匪十一名內有  
一名向在隆係上綱為首之人該犯兇橫異備身受五  
鎗始行打倒被獲亦即立時辦理人心無不稱快而各  
寨苗人俱胆落心驚則有附近苗弁帶同頭人前來乞  
命願隨打仗殺賊如有逆苗逃往中寨立即拏獲呈送

不敢容留並已有拏獲竄匪縛送到營者情形定在畏懼當即一一安慰而去所有石硯以西岩屯溝一帶不法逆寨俱已肅清民苗均知感畏至上溯下溯其勢愈孤更覺易於辦理約一二日內即可勒辦完竣惟期迅速殲功永臻寧謐所有攻克岩屯溝等五處逆寨緣由理合恭摺由驛馳

奏並善錄拏獲已降未出及幫同助惡之逆苗供軍供呈御覽伏乞


皇上層鑒謹

奏

嘉慶二年四月十七日奉

上諭伊桑阿奏攻克石硯苗寨緊要隘口擒獲賊首白仕  
栢及苗目田茂武等一摺覽奏俱悉石硯苗寨陡險苗  
匪等負隅抗拒經伊桑阿飭令常明劉廷奇等分路進  
剿將賊首苗目擒獲多名現在官兵已將石硯苗寨兜  
圍即可尅期掃蕩共上潮下潮等寨亦必聞風震懾易  
於辦理伊桑阿惟當督率追勦迅速藏事若稍有遲延  
恐附近苗寨又復潛行勾結以致勦辦需時前已降旨  
令琅玕馳赴黔省督辦該督接奉後自必迅速往黔如  
琅玕未到之前伊桑阿業將滋事苗匪辦竣所有善後  
事宜交琅玕接手經理伊桑阿速赴雲南新任若琅玕  
到時苗匪尚未辦竣該處剿辦之事即作琅玕督辦伊

桑阿亦即迅速赴滇接印任事以便初彭齡交任起程  
來京至苗匪因何起衅緣由此次仍未奏明若何係由  
地方官因事激變伊桑阿亦當據寔叅奏不可稍涉瞻  
徇琅玕到黔後亦將苗匪起事根由遵照前旨先行查  
明馳奏將此由四百里諭令知之欽此



貴州巡撫伊桑阿奏為攻克苗匪首先起事之上潮下潮  
逆寨全行掃蕩擒戮著名賊首苗情震懾全境肅清恭  
摺 奏報仰祈

聖鑒事竊奴才前於勦辦岩屯溝等處完竣後即將趕緊  
等辦勦上潮下潮緣由 奏明在案旋因連日陰雨泥  
濘未能進兵查上下潮在石硯之東兩寨緊接連續自  
石硯向東俱係崇山峻嶺偏坡山路約行三十里至八  
十坡大山下坡二三里又係長山一帶極其聳峻中有  
峽溝一道直通該寨甚為窄狹乃備苗人坐入門戶該  
逆寨等即逆在該處防守甚為嚴密入大溝內寨前有  
大溪環抱水尚不深亦無橋 奴才連日差人晒探並密

傳附近順苗千總龐老三等詢問該寨四面環山除此  
峽溝之外並無別路可以進攻惟有厚集兵力攻破峽  
溝始能直搗逆寨該匪守爬山越嶺較官兵倍為便捷  
恐官兵攻擊之時四散竄逸必須密為布置方能一鼓  
兜擒奴才於到軍營之先已派撥文武弁員帶同鄉  
兵於四面要隘處所設卡防守遂於初三日時之後密  
派副將劉廷奇遊擊張明成弁備弁弁官帶領兵勇一  
千名苗兵一千名又派貴東道用緯遊擊烏雲珠並備  
弁等帶領兵勇一千名苗弁龐老三龐正才引路由八  
十坡之左右分往兜圍俟天亮時即上山架助勢堵截  
定於一更時起身隨派藩司常明副將雙林同知傅鼎



並脩弁等帶領兵勇二千名由八十坡取道進攻奴才  
率同委員脩弁等督領兵勇苗弁兵一千名隨後策應  
初三日卯刻常明所帶官兵行抵坡下見峽溝以外苗  
匪數百人屯聚望見官兵將至即施放號槍抵敵常明  
爭催令兵勇奮力向前鎗箭齊發苗匪即退入峽溝向  
外擲石放槍抵死抗拒而該處地甚窄狹兵勇又不能  
多進遂用砲向內連擊轟斃數人賊眾始退官兵鄉勇  
乘勢一面施放鳥鎗鼓勇搶進苗匪飛奔該邊晒水而  
度兵勇全數由峽溝一齊用鎗追擊直至溪邊苗匪大  
半晒過其在後中鎗落水不計其數官兵人馬均於水  
淺處過溪直逼上溯寨前有苗匪數百人搥斫吹角吶

賊前來刀矛抵拒施放鳥鎗勢甚兇猛我兵勇雖有受傷而齊心奮勇併力爭先鎗箭齊發並分兵入寨搜尋舉火燒燬賊寨並苗一見火起驚惶忙亂紛紛奔跑當明爭驅兵直指下潮而下潮苗匪在峽溝把守者已於溪邊鎗斃無數餘見上潮已敗官兵勢大不敢抵敵即望四面高險處逃命周緯劉廷奇張明成烏雲珠輩已帶領兵勇由後上山扎梁因山勢陡峻不能壓下見苗匪逃竄四面鎗砲並舉苗匪皆紛紛滾岩落菁各處藏躲奴才催令後隊官弁兵勇齊至一半扎住溪邊一半派令前往協同常明爭對面夾攻隨路擊殺焚燒逆寨其復奔回欲行渡溪者俱被所扎之兵擊死溪內並斃

將備等帶兵勇於深林密菁中到處搜尋生擒首夥匪  
匪六十二人老幼男婦二十一人割獲首級六十一顆  
耳記二百二十對鎗箭殺死及滾岩落水燒斃者不計  
其數奪獲鳥鎗五十二桿刀矛一百四十二件小鉄砲  
一個牛馬米谷無數奴才隨即撤兵將擒獲各犯逐一  
審訊內有醜元丈怪醜育保醜與華醜老五等四名俱  
係為首糾約燒搶之犯餘供隨同滋事抗拒官兵俱即  
正法梟示所獲牛馬米谷分給難民老幼婦女另行分  
別辦理查照此次打仗千總安朝聘石陽左腮把總蘇  
元鎗傷左手陣亡兵丁四名鎗傷九名鄉勇受傷十一  
名當即分別給賞奴才查上潮下潮地勢雖險雖稍次

於石硯而其窩藏積匪實與石硯無異今幸仰仗

天威得以一鼓掃平擒獲緊要賊首立行正法寔足以彰

國憲而快人心奴才撤兵回營時即有難民及苗弁帶同

順苗人等伏地叩頭齊聲感戴看此情形地方民苗可

臻寧貼足以上慰

聖慈惟據各犯之供出之頭人白觀元白蒼生二名未經

就獲其或陣亡擊殺或斃死深山密菁抑或免脫偷生

俱未可定再節次攻勦搜山被官兵當時擊斃並擒獲

正法以及投崖落水生死之外亦尚有未獲餘匪愿應

查拏盡淨但若因此大加搜索務搜良苗以致各寨均

生疑懼亦非綏靖苗疆之道奴才當即出示曉諭各寨

順苗留心稽查遇有此案餘党即行縛獻倘有知情容  
留者即照同夥究辦該苗等無不畏懼連累斷不敢稍  
有隱匿自不致任其漏網所有苗匪滋事糾約各寨前  
已經桑阿攻克石峴等寨奴才繼又勦洗岩屯溝黃毛  
蓬及現在攻克上下潮以及助惡為匪之芭蕉灣野竹  
塘等逆寨全行剿洗完竣緣由理合恭摺由驛馳

奏並繕具續獲頭人隴元大怪等供單恭呈

御覽伏乞

皇上睿鑒謹 奏